

庸金尚書奏議

四

庸盦尙書奏議

總目

京兆奏議一卷

清淮奏議一卷

大梁奏議四卷

三吳奏議二卷

兩湖奏議四卷

北洋奏議四卷

右共十六卷

德清俞陞雲編輯

荔波楊懿年

嘉善錢紹楨

貴陽陳瑜

平遠丁道源

平遠丁道津

邵陽魏允恭

會稽周穌鼐

桐鄉嚴震

烏程周文鳳校勘

姪昌琛參校

男昌豫錄稿

庸盦尙書奏議

卷之七目錄

抵蘇接篆謝

恩摺

光緒三十二年三月二十九日

考察各項要政分別籌辦摺

光緒三十二年閏四月十六日

整頓田房稅契摺

光緒三十二年閏四月十六日

遵飭酌加折漕價值摺

光緒三十二年閏四月十七日

蘇鎮二府增徵銀米飭屬補解片

光緒三十二年閏四月十七日

遵查丹徒縣漕糧積弊整頓辦法摺

光緒三十二年五月十八日

訊明漕書斂費分別擬辦片

光緒三十二年五月十八日

查覆道員郭道直短徵關稅情形摺

光緒三十二年六月二十三日

設立法政學堂片

光緒三十二年六月二十三日

新軍成軍分別籌備建置摺

光緒三十二年六月二十四日

水陸各營旗照改巡防隊片

光緒三十二年六月二十四日

撫標中軍城守兩營改爲巡警片

光緒三十二年六月二十四日

會商江浙治梟情形並籌善後摺

光緒三十二年七月二十六日

試辦刑民事訴訟法情形摺

光緒三十二年七月二十六日

已故知縣丁禧生請入祀鄉賢祠摺

光緒三十二年七月二十六日

武備學堂改爲陸軍速成學堂摺

光緒三十二年八月十四日

開通民智宜端趨向摺

光緒三十二年八月二十八日

拏獲著名梟會各匪審明擬辦摺

光緒三十二年八月二十八日

總兵郎桂林請獎片

光緒三十二年八月二十八日

知縣沈偉田鄉舉重逢籲

恩摺

光緒三十二年九月二十八日

道員劉翊宸鄉舉重逢額

恩招

光緒三十二年九月二十八日

拏獲著名梟匪酌保員弁招

日

光緒三十二年九月二十八

獲匪照章懲辦片

光緒三十二年九月二十八日

道員劉體乾請獎片

光緒三十二年九月二十八日

庸盦尙書奏議卷七

抵蘇接篆謝

恩摺

光緒三十二年三月二十九日

奏爲恭報微臣到蘇接印日期叩謝

天恩仰祈

聖鑒事竊臣於三月初七日交卸河南撫篆卽於是日起程當經恭摺具奏在案維時遂平西平一帶匪徒滋事當卽酌帶陸軍馬步隊馳往彈壓並在駐馬店信陽州各駐紮一日嗣因匪勢漸平隨卽南下行抵江甯與署督臣周馥晤商練兵興學治臬一切事宜順道閱視鎮江吳淞各礮臺並在滬接見各國領事往返晤談頗稱浹洽於二十八日行抵蘇州省城二十九日准護撫臣濮子潼將江蘇巡撫關防及

王命旗牌文卷委代理蘇州府知府孫毓驥撫標中軍參將仇志鵬齎送前來當卽恭設香案望

闕叩頭謝

恩祇領任事伏念臣猥以庸材疊蒙

拔擢由京尹出持漕節旋撫豫疆任重時艱涓埃未効茲復仰邀

簡畀調撫吳中渥荷

慈施倍難圖報查蘇省江海交錯華洋雜處論地方之輻輳則較勝從前論物力之充盈則迥非曩昔加以隱憂未靖積習頗深非精練戎兵不足握建威銷萌之本非擴張學校不足收潛移默導之功他如整飭吏治以肅紀綱講求外交以敦睦誼整

頓警察以詰姦暴振興工藝以厚民生莫非當務之宜先胥若
焚絲之待治自維禱昧竊慮弗勝惟有殫竭愚誠盡心經理期
仰答

高厚鴻慈於萬一所有微臣到蘇接印日期並感激下忱理合
恭摺叩謝

天恩伏乞

皇太后

皇上聖鑒再臣經過湖北江西安徽各省陽雨應時民情安謐
足以仰慰

宸廑合并陳明謹

奏

[illegible]

考察各項要政分別籌辦摺

光緒三十二年閏四月十六日

奏爲微臣到任後考察蘇省各項要政分別籌辦謹將大概情形恭摺具陳仰祈

聖鑒事竊惟近來地方新政百廢待興其大端有三曰興學曰練兵曰警察莫非當務之急而蘇省則尚有治梟一事尤不容視爲緩圖臣莅任一月有餘詢訪官紳稽考案牘業已得其綱領逐一籌辦所有大概情形謹爲我

皇太后

皇上觀縷陳之蘇省學務自頻年歷任撫臣竭力提倡風氣大開綜計通省之中師範高等中小蒙養與夫各項學堂開辦者幾以千計一切規制統歸學務處經理考核近復佐以紳辦之

學會學務公所組織尙屬完密臣到蘇後親往省城各學堂周歷閱視勸勉生徒當以提學使到任需時仍飭學務處督同地方官紳將管理教育諸法隨時查察改良並遵照學部來咨通飭切實裁并冗員以裕經費惟教習一項需才太廣速成師範造就無多此爲學界中一大缺點爲今之計惟有注重師範極力擴充一面鼓舞遊學培養教員作蓄艾三年之計至仕學館爲培植吏才起見現遵新章附設一法政學堂研究法律專門以爲將來設立裁判基礎已由臣出示招考定額五十名入堂肄業實業學堂尙無的款可撥容臣督飭司道籌有經費再行次第籌辦此辦理學務之大概情形也蘇省陸軍上年准練兵處咨復仍照分定管區在蘇松太三屬設法募選卽經前撫臣

札派營員分投勸募乃半年之久入伍者甚屬寥寥臣到任後當經出示曉諭以軍人資格之尊擔任之重獎勵而激勵之並責成三屬牧令督同紳董明白開導目下始據紛紛稟報陸續就徵其中多有讀書士子投筆從戎者所有應設營房第一標已經完工第二標正在築造一俟徵兵如額卽當認真編練惟募兵固難選將尤難臣前在豫督練陸軍祇以學堂人才急切難得一時權宜之計不得不參用舊日營員蘇省兩標自管帶以至隊官排長純用學生但統將殊難其選已電商直隸督臣袁世凱允借標統二員參謀二員俟其到蘇卽行分別委用仍督飭武備學堂總辦等加意陶鑄以期人才蔚起足備干城至其他水陸各營平時恃以緝捕姦宄彈壓地方祇須積習掃除

亦非一無足用已派員專司稽查並飭各統帶隨時整頓斷不任廢弛營務虛糜餉需其水陸舊營名目歧異餉數人數參差不齊亦即督飭歸并改編巡防隊以昭畫一此辦理軍事之大概情形也蘇省警察舉辦已及三年其初巡官警兵即以舊時員弁營勇改充上年冬間前撫臣始奏設警察學堂派天津警務畢業學生二員充當教習招考官學生正備取四十名兵學生正備取一百名現在頭班兵學生甫經畢業官學生尙未屆畢業限期臣查省城警務即就表面觀之已多不合站岡位次之參差也牌段標識之缺略也勇丁之不盡精壯也號令之未能嚴肅也亟宜逐一改革舍舊謀新適值前次派赴日本官費生十二人均經畢業先後回蘇並接准駐日使臣楊樞咨稱詢

據警視廳云中國學生之留學警察者其學業成績以此次爲最優等語臣復面加考驗所學均尙有心得已派交警察總局充當差使會同學堂堂長更訂章程以資得力近來警務之弊往往兵與民不相習官與兵又不相習民有急難而兵不知兵或滋事而官不知馴致衛民之政轉以擾民形式雖存精神未具上年京師創設巡警部已立中央之樞紐樹各省之風聲前月復准部咨將制兵一律裁撤改爲巡警容臣督同司道妥爲經理期收實效而杜流弊並飭各屬一體實力奉行不准視爲具文此辦理巡警之大概情形也蘇境襟江帶湖界連皖浙近來鹽梟光蛋散布四方加以游勇痞棍暗相勾結頗爲地方隱憂而太湖水道遼闊港汊紛歧尤爲若輩逋逃之藪入則負嵎

恃險出則劫掠爲生歷任撫臣非不認真捕治無如匪蹤飄忽
匪黨衆多一經追捕早已遠颺間或拏辦一二終不能大加懲
創甚至有藐視官軍率衆拒捕者日言治匪而匪患如故前撫
臣陸元鼎奏陳梟患情形一摺本年二月二十八日奉

硃批著張曾敷陳夔龍妥籌辦理欽此等因臣詳加體察竊謂
此時辦法必先清窩庇之內匪而後外匪無駐足之方亦必多
獲真正之渠魁而後脅從有解散之日當於到任後出示曉諭
嚴禁窩匪凡有探知宵小蹤跡首先馳報與夫出力協拏者分
別從優給賞以示鼓勵一面責成地方官舉辦團練使民自衛
講求教養化莠爲良以治其本一面責成水陸各營購覓的綫
有案必破深入重地無路不搜以治其標而要之以信賞必罰